



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 14. Mamaluci oppidum Divi Antonii depulantur.

urn:nbn:de:hbz:466:1-38528

Picta pictæ.

stulantes, ut sibi incolumibus ire & redire per summa pericula liceat. Sunt quæ Virginea statuæ pedem quo jam ob nimiam (si Superis placet) latronum pietatem caret, scalpunt, pulvirculum ex abrasione ceu amuletum asportantes: quasi verò Cœlorum Regina perfidos sospitari, & latrocinia adjuvare amaret: & quod bilem moveat, mortalium pessimi latrocinia sua expeditiones Apostolicas appellant, eo fine Barbaros è latebris à se erui dicitantes, ut ad humanitatem legemque Christianam adducant. Possem, si vellem (nam monumenta è Brasilia allata apud me sunt) qui, quando, quibus attribus, & quâ crudelitate, multas regiones depopulati fuerint, explanatiū referre: possem latronum capita, populos ab ipsis deletos, diminutos, nominatim appellare. Sed breviū absolvam, si dixero, quidquid ab fluvio Maranione usque ad trigesimum latitudinis Australis gradum continentis est, continuis eorum excursionibus, factis ubique depopulationibus, patuisse. Restabat Guairania pars, necnon regiones aliae, Jesu Sociorum Paraquariensium laboribus claræ, quas quomodo aut penitus vaftarint, aut labefactarint, narratione in multis annos producendā, scribere aggredior. Unum tamen monuerim, hæc me de Mamalucorum origine & moribus, eorumque aſſeclis præmonere voluisse, ne quis, quod turpissimæ proſapia proprium est, Lusitanorum nationi, de re Christiana bene meritæ, imprudens adscribat.

CAPUT
XIII.
Occasio
Guairanæ
depopula-
tionis.Mamaluco-
rum copia.Ludovicus
Cespedes re-
misiè agit.CAPUT
XIV.
Mamaluçi
oppidum
Divi Antonii
depopu-
lantur.Occasio pro-
xima depo-
pulationis.Petrus Mola
infantes ba-
ptizat.

LUDOVICUS Cespedes, vir sanguine clarus, anno superiori ex Hispania in Brasiliam appulerat, in Paraquariam, cujus prætoram ab Rege Catholico impetrarat, trajecturus. Duo è Brasilia in Paraquariam itinera sunt. Unum terrâ, alterum mari. Illud, quo terrâ itur, ne quid molestia Indis inferatur, regiis legibus clausum est. Placuit tamen novo Prætori iter terrestre, ex indulto, ut aiebat, Regis arripere. Piratinam itaque profectus eo tempore viæ se dedit, quo nongenti omnino Mamaluci, & bis mille & ducenti Tupici (sunt hi Indi Mamalucorum amici ferocitate insignes) in Guairaniam ad faciendam depopulationem se adorabant. Dux ordinum, dictus Antonius Raposus; præerant cohortibus alii Indorum abactionibus infames. Malâ igitur tempestivitate Prætor Piratinam exiens, per aliquot dies terrestri itinere progressus, reliquam deinde viam in Guairaniam fluvio confecit. Laureti admittente Antonio Ruisio magnificè exceptus, pro honore acerba dicta rependit: habitoque de præcavendis Mamalucis consilio; nihil sati firmi constituit. Et quamvis non potuit non laudare Sociorum labores, nusquam adduci potuit, ut contra prædones auxilia prævideret, imparem se eorum viribus testatus: sed constat remisiè aliquando eo in negotio se gefisse, ideoque ab Senatu Regio interfecto tempore cum multatum fuisse. Interea temporis, Mamalucorum cohortes Ethnicorum terras non longè procul ab Neophytorum nostrorum oppidis depopulabantur; nihil quidem in Neophytes ab Socierate reductos intentantes: sed Socii non imprudenter fusiçabantur, sub cinere doloso latere hostilem ignem, qui mox magnum excitabit incendium: nam nulli non obvium erat, occasionem invasionis ab prædonibus quæri.

TANTO incendi occatio Tataurana Casquis fuit: innocenter tamen. Is pridem Simoni Alvaro Mamaluçi præda cesserat. Sed deinde, eluso injusto Domino, in pristinam libertatem cum suis se afferens, ad Sancti Antonii fugâ contenderat: quâ re cognitâ Simon Alvarus, unius Mamalucorum cohortis ductor, ab Petro Mola Antonianæ coloniæ directore, Tatauranam reposcit: qui cum respondisset. Tatauranam naturâ liberum esse, nec sibi lubitum contra natura leges eum denuò vinculis induere, qui se jure & feliciter illis expedierat, irritavit lattonem, qui statim communicato cum Antonio Raposo Mamalucorum duce consilio, totius Sancti Antonii coloniæ perniciem in vindictam machinans, cohortem suam arma expedite jubet. Contra, Petrus Mola, invasionis certus, aut metuens, quotquot erant in oppido infantes Baptismo expiat: quo in opere quamvis verba merè tantum necessaria ad confectionem Sacramenti profetteret, septem omnino horas ob numeri magnitudinem posuit; tantâ defatigatione brachiorum, ut fulcro sustentari ei de-

buerint.

buerint. Altero die Mamalucorum numerosa cohors, Simone Alvaro duce, oppidum aggreditur; diripit, sacra profanaque miscer, oblucentes obruncat, in gentis primores vincula injicit, imbellem turbam abigit, Petrum Molam supellestile spoliat: qui in omnem partem se vertebat, quā putabat latrones ad commiserationem inflecti posse. Per Superos obtestabatur Indorum innocentiam, furibundis supplex siebat, audacissimos obsecrabat, alios objurgabat; sed ubi vidit in ipso templi sacro sinu nihil tutum esse, & apud perditos homines nihil pietatem valere, desperata corporum salute, ad animorum integratatem libertatemq; procurandam vires omnes convertit. Igitur hinc inde curritans, captivos interrogat, num crederent quæ de Deo Trino & Uno ipsos docuerat? affirmantes, aquā, quam in vasculo circumferat, ritu Catholico abluit; alios aliter juvat, omnes lacrymans solatur, singulos amplectitur. *Filioli mei, inquietabat, quos in Christo genni, utram vos omnes in sinu meo fore possem.* Sic nudis cruentatisque crēbro offendicul pedibus, & brachiis frequentatione Baptismorum defatigatissimis, filios in Christo genitos alloquebatur, cū nescio quis ex Mamalucorum cohorte nebulo, ne tanta pietas aliquor Indos ab captivitate retardaret, Patrem optimum occidere destinat: & de eo actum erat, nisi collineantem latronum alter ab proposito divertisser. De audacia sacrilegum hominem Petrus Mola fortiter redarguit, indignam cœlo manum, quæ tantum facinus attentaret, docens. Risit latro, & invito etiam Deo se post mortem ccelos petiturum vociferans, felicitatem post suscepsum Baptisimum nulli negari, ne ab ipso quidem Deo posse, si in Christum credat, ex hæreticorum placitis asseruit. Bis mille & quingenta circiter Indorum capita in hac invasione prædonibus cessisse dicuntur; relicto sine grege Pastore, tantam jacturam absque spe recuperationis gemente, & ante oculos suos, filios suos, quos in Christo genuerat, ceu pecora, abigi miserè lamentante. Et mutuus erat captivorum dolor, anxiè circumspicientium, num quæ à vinculis effugii pateret porta: quā repertā ausi sunt aliqui ad Petrum Molam transfugere. His accessere nonnulli, qui feso latebrarum beneficio à prædonum furore exemerant, quos benevolè exceptos ad Incarnationis oppidum dum dederunt, ferè mortem reperit; nam plerique mutatā voluntate tumultuari ceperē, Patrem Molam perfidiæ arguentes, & cum latronibus colludere affirmantes: & jam expeditis armis vim parabant, cū Petrus Mola tumultuantes compellans, Societas in totam gentem beneficia commemorat, Christophorum Mendoçam nuper à Mamalucis vulneratum, & ab iisdem sibi intentatam pridie necem, aliaque deprædicat. Valuit earum rerum commemratio in præsentiarum, & quorundam Neophytorum fidelitas, ad compescendum repentinum tumultum. Sed mox casu auctum periculum est: nam Ethnicorum ingens multitudo, pridianæ depopulationis nescia, ad Sancti Antonii coloniam Christo nomen datura ventitans, ut vacuam mortalibus, & humanis cadaveribus feedam vidit, excanduit; atque tumultum omnes dispersi popularium suorum, ut aiebat, ultores Societas homines, ceu proditores, ad necem quærebant. Sed jam Petrus Mola evaserat, Silverii Pastoris ex Incarnationis oppido obviam progressi & subsidium adferentis ope, sine quo ob defectissimas vires in via indubie periret.

FAMA invasionis ad Sancti Michaëlis coloniam perlata Christophorum Mendoçam & Justum Vansurkium ibi curantes perpulit, ut imminens malum quo modo possent, averterent. Et quia remanere in oppido intutum erat, oppidanis omnibus suadere conantur, ut secum ad Incarnationis coloniam fugiant: inibi viribus junctis resisti prædonibus posse. Multi dicta Patrum audientes, Vansurkio seducendos tradidere: quibus obviam progressi Socii & Neophyti ex Incarnationis oppido, Vansurkium cum comitatu pñè jam deficientem abundè recrearunt. His in tutum receptis, Vansurkius ad Sancti Michaëlis iter relegens, reliquæ genti sua fit, metu imminentis hostis se sylvis abderet. Ipse cum duobus adolescentibus in vacuo oppido remansit, ingenti cum vita discrimine; nam plerosque invaserat præteritum suspicionum virus, & ferebantur aliquot Barbari Vansurkii solitudini insidiari, ad quem defendendum cū aliquot Incarnationis Neophyti processissent, in manus

*Latronibus
supplex fit.*

*Periculum
vita adit.*

*Bis mille &
quingenta
capita abi-
guntur.*

*Iteratum
Mola peri-
culum.*

*Socii ad ne-
cem qua-
runtur.*

C A P U T
XV.
Divi Mi-
chaëlis op-
pidi depo-
pulatio.

*Vansurkii
periculum.*